

ინსტრუქციები ავტორთათვის
(მომზადებულია PurdueOwl და Elsevier რესურსების მიხედვით)

ზოგადი მიმოხილვა

ჟურნალი გამოსაქვეყნებლად იღებს ერთი ან რამდენიმე სტუდენტი ავტორის მიერ შესრულებულ სტატიას. ჟურნალში წარმოდგენილი ნაშრომი უნდა იყოს ორიგინალური კვლევის შედეგი; მიუღებელია კომპილაციური ხასიათის ტექსტები, სადაც არ ჩანს ავტორის კვლევა და მისი შეხედულებები. მოწოდებული სტატია ან მისი საგრძნობი ნაწილი ჟურნალში მიღებამდე არ უნდა იყოს გამოქვეყნებული ან გამოსაქვეყნებლად წარდგენილი სხვა ჟურნალში. პლაგიატის აღმოჩენის შემთხვევაში, ავტომატურად ხდება ნაშრომის დისკვალიფიკაცია და ავტორის მიერ წარმოდგენილი სხვა ტექსტები გამოსაქვეყნებლად აღარ დაიშვება.

წარმოდგენილი ნაშრომი სტრუქტურირებული უნდა იყოს IMRAD (Introduction, Methods, Results, Discussion) ფორმატის მიხედვით. რედაქცია გამოსაქვეყნებლად მიიღებს 4000-6000 სიტყვამდე მოცულობის ტექსტს.

ჟურნალში წარმოდგენილი სტატია გადის ანონიმურ რეცენზირებას სოციალურ და პოლიტიკურ მეცნიერებათა ფაკულტეტის გარეთ. რეცენზენტები არიან საქართველოსა და უცხოეთის უნივერსიტეტებში მოღვაწე მეცნიერები, რომელთა კომპეტენცია და აკადემიური ინტერესები თანხვედრაშია სტატიის შინაარსთან.

სტრუქტურა

გამოსაქვეყნებლად წარმოდგენილი ნაშრომი შესრულებული უნდა იყოს ქართულ ან ინგლისურ ენებზე და უნდა გაფორმდეს ამერიკის ფსიქოლოგთა ასოციაციის APA ციტირების სტილით (დაწვრილებით იხილეთ ქვემოთ). აუცილებელია მოკლე აბსტრაქტი (150-200 სიტყვის მოცულობით) როგორც ქართულ, ისე ინგლისურ ენებზე. ამასთან, ტექსტს უნდა ერთვოდეს ოთხი ან ხუთი საკვანძო სიტყვა, რომლებიც ასახავს ნაშრომის თემატიკას და საკვლევ პრობლემას. ორი ან მეტი ავტორის შემთხვევაში, აუცილებლად ეთითება საკონტაქტო პირი, რომელთანაც რედაქციას ექნება კომუნიკაცია.

ნაშრომი აკრეფილი უნდა იყოს Microsoft Word-ის ფორმატში (.doc გაფართოებით). ფაილის სახელწოდება უნდა იყოს ავტორის გვარი, მაგალითად, sichinava.doc ან რამდენიმეს შემთხვევაში, sichinava_et_al.doc. სტატიის ტექსტი იკრიბება

TimesNewRoman გარნიტურის გამოყენებით (ქართული ტექსტის შემთხვევაში, Sylfaen-ში), 12 ზომის კეგლით და სტრიქონებს შორის 1.5 ინტერვალით. ფურცლის არესა და ტექსტს შორის მანძილი უნდა შეადგენდეს 1 ინტერვალს.

ნაშრომის პირველი გვერდი წარმოადგენს სატიტულო ფურცელს, სადაც მოცემულია ნაშრომის დასახელება, ავტორ(ებ)ის სახელი და გვარი, საკონტაქტო პირის ელექტრონული ფოსტის მისამართი, მიმართულების, ფაკულტეტის და სასწავლო დაწესებულების დასახელება, ასევე - გამოგზავნის თარიღი. ინგლისურენოვანი ტექსტის შემთხვევაში, სათაური ფორმდება მთავრული ასოებით (იხ. დანართი 1). სათაური უნდა იყოს 14 ზომის კეგლით აკრეფილი, ხოლო სხვა დანარჩენი ტექსტი - სტანდარტული 12 ზომის კეგლით. ტექსტის გამუქება და ხაზგასმა საჭირო არ არის.

აბსტრაქტი - ნაშრომს აუცილებლად უნდა ერთვოდეს აბსტრაქტი როგორც ქართულ, ისე ინგლისურ ენებზე. მისი მოცულობა არ უნდა აღემატებოდეს 150-200 სიტყვას. აბსტრაქტი მოკლედ უნდა ასახავდეს კვლევის მიზანს, მთავარ შედეგებს და ძირითად დასკვნებს. თუკი საჭიროება არ არის, მოერიდეთ ციტირების გამოყენებას.

საკვანძო სიტყვები - აბსტრაქტს თან ახლავს ოთხი ან ხუთი საკვანძო სიტყვა, რომელიც მეტნაკლებად ასახავს ნაშრომის კუთვნილებას სამეცნიერო დისციპლინასთან და განხილულ ძირითად კონცეფციებს. ნუ გამოიყენებთ აბრევიატურებს, ასევე ზოგად და რამდენიმე კონცეფციის მომცველ სიტყვებს.

ნაშრომის შესავალი - როგორც წესი, შესავალი მოკლედ აჯამებს რელევანტურ კვლევებს, აქვე ავტორი ნათლად უნდა აღწერდეს საკვლევ პრობლემას.

ლიტერატურის მიმოხილვა - ამ ნაწილში, ავტორს მოტანილი უნდა ქონდეს ნაშრომისთვის შესაბამისი ლიტერატურა. ჟურნალი განსაკუთრებით აფასებს მიმოხილვის ისეთ ტექსტს, სადაც რელევანტური თეორიული მასალა კრიტიკულად იქნება მიმოხილული და ემპირიული ნაწილისთვის საკმარის საფუძველს შექმნის.

მეთოდოლოგია - ავტორმა დაწვრილებით და გასაგებად უნდა ახსნას გამოყენებული მეთოდოლოგია. ამ ნაწილში მკითხველი უნდა დარწმუნდეს, რომ მეთოდოლოგია რელევანტურია მოცემული საკითხის კვლევისთვის.

შედეგები/დისკუსია - ამ სექციებში გასაგებად უნდა იყოს გადმოცემული მონაცემთა ანალიზი და მისი შედეგები. ავტორის მიერ გაკეთებული დასკვნები უნდა

ემყარებოდეს ემპირიულ მასალას, ამასთან, ავტორმა მკაფიოდ და გასაგებად უნდა დაუკავშიროს მის მიერ მიღებული შედეგები არსებულ თეორიულ მასალას.

ტექსტის ენობრივი ხარისხი - ავტორმა უნდა უზრუნველყოს ენობრივი თვალსაზრისით გამართული ტექსტის მოწოდება. ინგლისურენოვანი ტექსტის შემთხვევაში, უნდა გამოიყენოთ ამერიკული ან ბრიტანული სტილი, თუმცა არავითარ შემთხვევაში - ამ ორის ნარევი. ტექსტში არ უნდა იყოს გრამატიკული შეცდომები.

ციტირების სტილი - გამოსაქვეყნებელ სტატიებში ციტირება და ბიბლიოგრაფია გაფორმებული უნდა იყოს APA სტილის მიხედვით. ავტორებმა უნდა გამოიყენონ Microsoft Word-ის ბიბლიოგრაფიის ხელსაწყო, ან ბიბლიოგრაფიის მენეჯმენტის პროგრამები (მაგ. Zotero, RefMan, Endnote, JabRef), რათა წარმოდგენილი ბიბლიოგრაფია ამომწურავი იყოს. ქვემოთ მოცემულია ციტირების რამდენიმე მაგალითი

სტატია:

Vander Geer, J., Hanraads, J. A. J., & Lupton, R. A. (2010). The art of writing a scientific article. *Journal of Scientific Communications*, 163, 51–59.

წიგნი:

Strunk, W., Jr., & White, E. B. (2000). *The elements of style*. (4th ed.). New York: Longman, (Chapter 4).

კრებულის ცალკეული თავის ციტირება:

Mettam, G. R., & Adams, L. B. (2009). How to prepare an electronic version of your article. In B. S. Jones, & R. Z. Smith (Eds.), *Introduction to the electronic age* (pp. 281–304). New York: E-Publishing Inc.

ცხრილები, დიაგრამები და სხვა ვიზუალური მასალა: თუკი ავტორი იყენებს ვიზუალურ მასალას, დიაგრამებს ან ცხრილებს, ისინი აუცილებლად უნდა იყოს დანომრილი (მაგ. ცხრილი 1, დიაგრამა 2, ნახატი 3). ცხრილის შემთხვევაში, იგი პირდაპირ არ უნდა იყოს გადმოტანილი სტატისტიკური პროგრამიდან და უნდა იყოს APA სტილის მიხედვით მომზადებული (იხ. დიაგრამა 1). ვიზუალური მასალის

გაფორმებაც ასევე APA სტილის მეშვეობით ხდება (მეტი ინფორმაციისთვის, იხილეთ PurdueOWL-ის შესაბამისი გვერდი¹).

Table 1			
<i>Dogs Scoring Above Average on Intelligence by Breed and Gender</i>			
Breed	Male	Female	%
Dachshund	123	234	17.6
Terrier	456	567	31.1
Siberian Husky ^a	789	891	51.3
Totals (N = 3060)	1368	1692	

Note. Average score = 150. No animals were harmed during testing.

^aThree huskies (one male, two female) escaped before testing was completed and are therefore not included in the table

დიაგრამა 1 (წყარო: Purdue OWL)

სექციებისა და სიების გაფორმება: სექციების სათაურების და სიების გაფორმება უნდა მოხდეს APA სტილის მეშვეობით. პირველი დონის სათაური უნდა იყოს გამსხვილებული და ფურცლის შუაში, მეორე დონის - მსხვილი და ფურცლის მარცხნივ, მესამე - მსხვილი და ფურცლის მარცხნივ, ბოლოში - წერტილი.

რაც შეეხება სიებს, თუკი დასაცავია იერარქია, მაშინ ჩამონათვალი გადანომრილი უნდა იყოს. თუ არა - შეგიძლიათ, გამოიყენოთ პუნქტები (ე. წ. bullet-point-ები).

სახელმძღვანელო მასალები:

American Psychological Association. (2009). *Publication manual of the American psychological association*. American Psychological Association (APA). <http://www.apa.org/pubs/books/4200067.aspx>

Angeli, E., Wagner, J., Lawrick, E., Moore, K., Anderson, M., Soderlund, L., & Brizee, A. (2010, May 5). *General format*. Retrieved from <http://owl.english.purdue.edu/owl/resource/560/01/>

წულაძე, ლ. (2006). *აკადემიური წერა*. სოციალურ მეცნიერებათა ცენტრი. http://old.ucss.ge/geo/publication/publications_detail.php?ID=171

¹Angeli, E., Wagner, J., Lawrick, E., Moore, K., Anderson, M., Soderlund, L., & Brizee, A. (2010, May 5). *General format*. APA tables and figures 2. <https://owl.english.purdue.edu/owl/resource/560/20/>

დანართი 1: სტატის თავფურცელი

CLEAVAGE THEORY AND THE ELECTORAL GEOGRAPHIES OF GEORGIA

David Sichinava, Ph.D. candidate
Department of Human Geography, Faculty of Social and Political Sciences, Tbilisi State
University

February 20, 2015

david@sichinava.ge